



311311

Mag. St. Dr.

kat.komp.



Biblioteka Jagiellońska




stdr0005526



311311 **I**

Mag. St. Dr.




THE UNIVERSITY OF CHICAGO
PRESS



CHICAGO, ILL.


1900




opt. now 7 IV 61

311311

I Mag. St. Dr.





ILLVSTRI & MAGNIFICO D.

DOMINO IOANNI

ZOLKIEWSKI

DE ZOLKIEW,

CHRVBIESOVIENSI, IAWOROVIENSI,

KALVSIENSI, &c. CAPITANEO:

PATRVO & MAECENATI OBSER-

VANDISSIMO,

felicissime in Patriam redeunti

GRATVLATIO.

A

GEORGIO BALABAN,

Latitiae & perpetuae observantiae ergo

DICATA.

CRACOVIAE,

In Officina Typogr. Matthiae Andreouienſis,

Anno D. 1622. M. Iul.

INSTEMMA

Illustris & Magnifici Domini,



311311
Maj. & Dr.

*Astibus in mediis defixa Polonia sudas,
Demittisq; altum pondere pressa caput:
Deme supercilio nubem, solamen habebis;
Gorgonis instar equi est ungula, fundet aquas.*

Alexander Bataban,

Harmonia regis polonici

GRATVLATIO.



I quo tempore ex grauissimis calamitatibus domi ac militiæ, funestius vulnus se accepisse patria sensit vniuersa, Illustris & Magn. D. Capitanee, eo profectò: quo tuum parentem belli gloriâ Ducem inclytum amisit; atq; super te illius & virtutum & immortalium factorû hæreditario imitatore, ab iniquâ fortunâ sibi erepto indoluit. Nullam etenim adeò grandem procellam fore existimauit, à quâ illo saluo & superstite, non sibi certam polliceretur securitatē: neq; ob viuendi spacia moriendi necessitate definita tantopere metuere sibi potuit; vbi tu ætate integrâ, in defendendâ & cōseruandâ studium atq; dexteritatem succedere dignus Patre filius potuisti, qui in difficultatibus superandis tyrocinio exacto in excelsum laudis paternæ apicem prouehi cæperas. Verùm diuinæ prouidentię

sapiētia hæc nobis solatia ad certum tempus suspenderat; cum tuarum rerum permisâ citra spem nostram conuersione, præsentiam quoq; tuam nobis eriperet afflictissimis. Angebamur multum dolore & fortunâ tuâ, non nos solum quos vincula sanguinis aut iura sanctę necessitudinis colligarunt: sed quoscunq; illa infausti rumoris fama de tuo casu perculerat, pari animi affectu vicē tuâ miserabantur. Cū enim cogitarent excelsam tuam generositatē, & in quas incideris ærumnas; iam ferè ad eadem vada ac syrtes se allidi arbitrabātur. Sed paulò post vbi exoptata & sperata certi nuntii vox aduenit, tuam illam animi excelsitatē, apud illum barbarum tantum profecisse, vt ceu olim Annibal in fratris casu, ita hic in tuâ aduersitate insignem fortitudinem recognosceret: ac ideo indignum reputaret, te ad omnia præclara natum ac institutū, diutius apud se detineri: quis adeò patriæ ac sui oblitus esse potuit, quin maximam animo conciperet lætitiā? quis vel inde non agnosceret Numini supremo magnæ curæ esse Poloniam,
si tam

si tam singulari eius beneficio, viri Reipublicæ salutivtiles & pernecessarii, ab ultimo discrimine seruantur? Itaq; tantò iucundiori voluptate nostra pectora recreantur, quantò ante graiorem mœroris telo saucii gemebamus. Nobilissimi quiq; elati lætitiæ magnitudine se continere nō possunt, quin Deo optimo gratiis persolutis cōgratulationibus te præueniant, obuiis vlnis excipiant: vniuersa multitudo, quasi lætitię solenni indicto cum bonis cōprecationibus, hinc atque inde circumfluat: illę ipsæ vrbes Russiæ suis quasi motæ fundamentis, gestientes tibi occurrere, & in tui amplexum ruere videntur. Si maiora his cogitatio suggerere posset, ea à nobis tibi iure meritissimo debētur; non modo patriæ cōmunione, consanguinitatis iure, arctissimisq; amoris vinculis deuinctis: sed quod maximum tuas excelsas altissimasq; virtutes, vt domesticæ gloriæ lumen admirantibus. Versatur enim versabiturq; semper in oculis nostris, tua præclarè acta ætas, bonis studiis accōmodata: tuum ingens patriæ tutandæ studium: genero-

sum in arduis aggrediendis pectus, inuictus in
aduersis tolerandis animus. Rara hæc sunt in quo
quoq; adultiore: tecum autem quasi nata, ac ti-
bi propria esse, non possunt dissimulare illi, qui
te ad bella pro patriâ suscepta alacriter iuisse, in
acie fortiter stetisse, in confertissimos hostes ir-
ruisse, strenuè decertasse, nulli fortunæ cessisse,
palàm contestantur, & cum stupore prædicant;
nos verò qui audimus non possumus non vehe-
menter cōcitari. Cum enim paternis & opibus
benè constitutis fretus, & præstantissimis in Rē-
publicam meritis gloriâ immortali cumulatus,
expeditam viuendi rationem cum dignitatum
splendore pronam haberes: eam arripuisti quæ
ad contestandum in patriam amorem spectabi-
lior, ad gloriâ à parente acceptam propagan-
dam magis idonea, tuæ naturæ excel sæ consen-
tanea, & seræ posteritati ad exemplum visa est
fore potentissima. Etenim statim à primis pu-
eritiæ annis, totum tempus quod cæteri ludis &
iocis, quasi eo fine à naturâ procreati, dare con-
sueuerunt: tu ingenio excolendo animoq; fir-
mando

mando consecrasti. Nam è domestica discipli-
nâ ad celeberrimam vniuersi regni scholam A-
cademiam Cracouiensem, inde ad exteras na-
tiones eâ maximè cogitatione perrexeras: vt
apprime necessariam prudentiam, quæ ex mul-
tarum rerum experienciâ oritur, ad vitam cum
dignitate agendâ faciliùs assequereris. Cum ve-
rò prudētis animi sit præterita ratione animoq;
lustrare, præsentia rectè disponere, futura præui-
dere: in id quoq; toto studiorum cursu inten-
tus fueras, vt maiorum annales in memoriam
reuocando præteritorum reminisci: Rerum pu-
blicarum formas, mores gentium, leges ad cō-
munem ciuium consuetudinem sanctissimè la-
tas, spectabilem ciuitatum amplitudinem, o-
pera ædificiorum magnifica considerando; præ-
sentia præclarè ordinare, futuris sapienter pro-
spicere valeres. His igitur dotibus vbi genero-
sissimam mentem institutam animaduerceras,
reditum maturasti; ac te patriæ desideratissi-
mus, ætate venerandis parentibus suauissimus,
cum magnis solatijs exhibuisti. Et ne multo la-
bore

bore comparata virtus, domesticis parietibus
inclusa lateret; mox in oculis principum Reipub-
licæ virorum versari, eorum gratiam & fauo-
rem præstanti indole aucupari, mox ad hono-
res & gloriæ fastigium, ipsa naturâ ad id impel-
lente, summâ contentione aspirare cæpisti.
Et quemadmodum quæ naturâ suâ sunt verè
cælestia, aut præstantissimæ alicuius virtutis, ne-
quaquam in imo sedem suam deponunt, donec
per continuum motum, in debito naturæ do-
micilio conquiescant: ita tu excelsa loco, illu-
strissimis parentibus oriundus, non domesticis
voluptatibus, non periucundâ amplissimorum
virorum amicitia, detineri poteras: quin in Re-
giæ Maiestatis amplitudinem, propius accede-
res. Vbi singulari virtute, felici industriâ, pul-
cherrimis moribus, aulæ præfectis charissimus,
in oculis Serenissimi Regis, adeò mirabilem tuæ
virtutis speciem deposuisti: vt breui tempore te
Chrubiesouienfi Capitaneatu ornandum atq;
illustrandum existimauerit. In hoc præclaro
virtutum curriculo progressus non perniciosas
moras

moras traxisti: sed acri, forti, vehem
toq; conatu per inculta vepribusq; oblita ad
summam arcem gloriæ contendisti. Etenim fa-
cultatem ex beneficio optimi ac sapientissimi
Regis nactus, eâ non ad inanem pompam non
ad vanam iactantiam, non ad aliorum errorem
aut inferiorum oppressionem, non ad volupta-
tum lenocinia comparanda es abusus: sed pa-
triæ quam tunc impijssimorum prædonum ra-
pacitas lacerabat, opem adferre fortissimis mi-
litibus selectis, è tuo ærario stipendia dando
non desistebas: quo nomine prona hominum
studia & faustas ac deuotas comprecationes ti-
bi comparasti. Porro vbi belli signum datum
est, tubæq; clangor personuisset, studij alacrita-
te non à iuuenili illo cæco impetu, sed ab in-
genti patriæ amore profectâ; etiam veteranos
anteire pulchrum iudicasti. Graue est tùm me-
roris plenum à vitæ commoditatibus, à consue-
tudine amicorum, à consortio & vsù necessari-
orum, à complexu parentum auelli, tibi tamen
ob amorem patriæ fuit exoptatum. Magni du-

...lectationibusq; domesticis
...grè sitim, famem, frigorum vim &
...inurias, inuictò animo perpeti, no-
res infames transigere: ad hæc tamen ceu ad
magna vitæ solaria magno desiderio properasti.
in summo deniq; reponitur, tela & hostium im-
petus excipere, mortem ipsam truculentissimã
ab hostili gladio certò expectare: at tu sicut
strenuè cum hoste conflixisti, ita vulnera ne pa-
tria sauciaretur, libens tuo corpore excepisti.
Mox tribunus militum renunciatus, semper in
acie, sub cælo frigido, in tentorijs circa arma
versabaris: loricâ galeaq; armatus, in omnem
occasionem intentus, in omnes partes circum-
spectus, ad eò gloriose oblatam provinciam ad-
ministrasti: vt quantumcunq; plurimi vix usu
quotidiano, & multorum temporum experien-
tiâ compararunt, totum id sub ipsis militiæ i-
nitij felicissimè fueris consecutus. Non est ob-
scura ad Bussam tua singularis virtus, quando
cum lectissimâ cohorte pro vitâ & libertate ci-
uium cum barbaro hoste dimicandi studio ar-
debas

debas, nec prius plenum irarum animum depo-
suiſti, donec recuperatorum operâ vtrinq; ho-
neſtiſſimis conditionibus pax ſtetit. Celebratur
celebrabiturq; illa excellentis animi magnitu-
tudo ad Orininum, quo Turcæ cum numeroſo
exercitu & auxiliariſus copijs confluxerunt.
Nam dum insolenti Tartarorum accuſſu no-
ſtrorum caſtra infeſtarentur, & ad reprimen-
dum hoſtilem impetum alij in dextro, in ſini-
ſtro alij latere conſtituti fuiſſent: tu præcipuè
in fronte ad omnes introitus armatos pectus
tuum oppoſuiſti: vt vel victor victoriam reliquis
adferres, vel telis obrutus, quantum patriæ &
bono publico ſtuderet teſtareſis. Iam verò in
hac ipſâ pugnâ recenti ad quam centum millia
potentiſſimorum hoſtium eo animo conuene-
rant, vt vniuerſos noſtros milites, (quorum
manus vix quinq; millium legionem conſti-
tuebat) ſine dimicatione, ſine cæde & ſan-
guine, in captiuitatem Conſtantinopolitanam
abducerent: quid inquam in illâ pugnâ diſtri-
ctus tuus gladius non agebat, quem hoſtium

inueni me non petebat, quæ tua mens, oculi,
manus, ardor animi fuerat? An non tota acie
impiger volitabas? an non vnde tuum turbari
agmen animaduertisti accurrebas, orando,
hortando, obtestando, auxilio, exemplo, virtu-
te, ad restaurandum strenuè certamen excita-
bas? an non licet saucius, hostem impetus tuos
ferre non valentem ardentissimè premebas, ac
gregatim fugere compellebas? Hic ex acie re-
deuntem, & hostili cruore diffluentem, vulne-
re propè lethali saucium, cum te veteranorum
quique conspexissent, tantamq; fortitudinem su-
spicientes quidem, at dolori quem generose
premebas multum condolerent: tu num eius
ætatis more aliquod signum mæstitiæ dedisti?
num lachrymas emisisti? quinimo illis insuetâ
molliciè exprobrata, purpura ostro ac omnibus
quæ vulgus admiratur splendoribus, speciem
hanc sibi esse cariorem palam es professus. O
vocem omni præconio dignissimam. O verè
magnam ac prope diuinam fortitudinem. O
excellentem incomparabilem & nullo vnquam

æuo inter morituram magnanimitatem. - victi-
sti iam re & nomine Magnifice Capitaneæ om-
nes victorias, omnes triumphos fortissimo-
rum patriæ defensorum, gloriosa trophæa lon-
gè anteisti: iam per hanc vnicam vocem api-
cem immortalitatis conscendisti: cum post glo-
riosissimè superatas mortes, post grauissimos ex
suscepto vulnere cruciatus, non gloriam quæ
solâ virtutis amplissimum est præmium, non ar-
cus triumphales aut coronas, promeritæ forti-
tudinis monumenta: sed mortem ipsam quæ
sola gloriâ immortali maior est, pro patriæ salu-
te celsissimo animo depoposcisti. Et cum alij in
felicitate numerent mori in patriâ, tu mori pro
patriâ atq; illi animum & spiritum quem tibi,
impertiuit cum fænorè quoddam reddere, lon-
gè nobilius & præclarius esse iudicasti. Hoc ve-
rò in te est spectabilius, quod tantæ in patriam
pietatis & fortitudinis, cum cæteri foris emen-
dicent exempla; tu domesticorum ac tuorum
fretus, ad eam gloriæ amplitudinem peruenisti.
Nam cum fortunæ bona, illustrisq; rerum benè

~~gestorum gloria~~, optima virtutis hereditas omni patrimonio præstātor, quasi per manus tibi esset tradita, vt ad omne decus & honestatem natus, bonis disciplinis probè institutus, maiorum dexteritate propagatum nomen, præclaris facinoribus amplificares: in ipso iuuentutis flore hac tuæ virtutis præstantiâ ceu signo clarissimo demonstraſti. Etenim quis adeò rerum imperitus, gestorumq; patriæ expers est, cui non sit in aperto, maiores ad quos prima refert initia, omni virtutis atq; laudis genere ita consummatos fuisse: vt nullus in illis vel quod ad speciem pulchrum, vel ad honestatem præclarum, vel ad commendationē & gloriæ immortalitatem comparandam stabile reperiatur, desiderare possit? Spectare in eorum numero licuit ardentis religionis defensores, amantissimos ciues patriæ, acerrimos legum custodes, fortissimos pacis & communis tranquillitatis conseruatores, strenuos libertatis vindices: de quorum gloriâ omni æuo dicendi habebunt illi materiam amplissimam, qui naturâ & longâ
exercita-

exercitatione ad dicendum instructissimi accedunt, & ob eloquentiæ laudem celebres habentur. Quanquam adeò excelsarum virtutū ornamentorum, atq; auitæ gloriæ compendium, summorum Reipublicæ honorum decus illustre, in tuo clarissimo parente nos non sine ingenti admiratione vidimus; posteritas autem stupore defixa venerabitur, ac illius vitæ singulas ætates, ætatumq; studia, suis ad imitandum proponet. Qui è literarum ludo in militiæ disciplinam profectus, in extremâ pueritiâ fuit miles: tantaq; tyro virtutis & fortitudinis edidit specimina, vt iuuenis legionum ductor, breui militibus expetentibus & ardentius adnitentibus tribunis, campestris vt nostri vocant Regni exercituum DVX fuerit renunciatus. In quâ quidem dignitate quæ quantaq; gesserit, quod ingenij acumen cogitando, quæ dicendi vis aut dicendi copia recensendo, cōtequi posset? Non enim modo nostræ ætatis hominum gloriā, sed etiam antiquitatis memoriam, bellicæ laudis celebritate videtur superasse is, in cuius animo &

mō & optimi ciuis & summi imperatoris virtutes aliquando conqueuisse debuerant. Quis enim nescit in togâ quàm sollicitè sua consilia in bonum commune contulerit, patriæq; saluti ac necessitatibus prospexerit? Hoc tamen laudis genus commune cum plurimis habuit. Porro illa domesticæ seditionis tempestate exortâ, vbi Reipublicæ membra inuicem & à capite diuelli cæperant, quis promptiora ac vtiliora pacis consilia subministrauit? quis diligentius & fidelius pro Regiæ maiestatis conseruandâ integritate laborauit? quis tumultuantium ardori fortius obstitit? quis animis mitigatis exoptatâ patriæ tranquillitatem reduxit? Testis est illa per multorum ora peruagata vox, quæ nedum conticuit, tui parentis superuentu illa dissidij molimina intrâsuersum abijisse: eo duce renascentia dissipata fuisse: eoq; patrono illa cogitata, cæptorum iniquitatem poenitentiâ redarguente, veniam apud Clementissimum principem inuenisse. Sed qui in bello ciuili tantum ac talem sese præstitit, quâ prudentiâ, quâ facilitate, & feli-

& felicitate, extrema illaq; ardua obierit, quis
adèò obtusam intelligendi aciem gerit, quin ex
eo iam perspiciat; cùm ciuium seditiones, quē-
admodum omni hostili incurfione sunt pericu-
lofiores: ita difficillimè sedantur, ac rarissimè e-
xitum partium, alteri optatum, alteri salubrem,
afferre consueuerunt? Et profectò qui bello-
rum, & antecedentium & subsequentium mul-
titudinem recordatione perlustrauerit, ac ma-
gnitudinem secum reputauerit; facilè in cogi-
tationem veniet, hanc tui parentis virtutem Po-
loniæ, tempore admòdum opportuno Diuini-
tus datam fuisse. Polonia enim quando armis
hostilibus frequentius laceffita, atq; fortius est
oppressa; quando vehementioribus impressio-
nibus est impetita; quando instabiliorem fæde-
rum hostilium fidem est experta; quàm tuo pa-
rente bellicæ administrationis summo proxi-
mum munus obeunte? Taceo illam summè
periculofam ad Byczynam pugnam, quâ Polo-
ni ob inaugurandum principem diuifi, externâ
potentiâ freti, signis infestis acerrimè decerta-
C runt:

runt : ille primus in confertissimos cuneos ac
mediam belli noui flammam irruendo, vulnere
grauissimo accepto, nouo Regi fidem commen-
dauit; legionibusq; cataphractorum ad inter-
necionem deletis, campum illum immortali-
tate consecrauit. Mitto ego bellum Liuonicū
præter omnia diuina humanaq; cura intenta-
tum; & quò minus speratum, eò & illi prouin-
ciæ exitiosius, & nostris molestius : in quo tui
parentis fortitudinem cum fortunam magnus
ZAMOSCIVS admiratus, in legionum concio-
ne, præclaro dignatus est elogio. Neq; libet cō-
memorare illius archiprædonis N A L E W A Y C I
in patriæ viscera sæuiendi ausus insolentissimos:
quos ille latiùs iam grassantes magna animi &
consilij dexteritate repressit, ac postea breui op-
pressit. Transco reliqua bella adeò felicissimè
acta & perfectæ, quæ tui parentis rei militaris
scientiam raram, virtutem excellentem, in spe-
culum sunt accepturi illustres exterorum duces.
Illud illud omni æuo memorabilè M O S C H O-
VITICVM bellum nequaquam præterire pos-
sum;

sum; in quò cum potentissimo hoste, manu par-
uâ leuiq; apparatu instructâ congressus, insi-
gnem victoriam reportauit: ac amplissimos du-
catus, celeberrimas toto orbe prouincias, vrbes
egregias, ipsam insuper sedem imperij occupa-
uit: & quod iure meritissimo sera admirabitur
posteritas, BASILIVM SVSCIVM Magnum
DVCEM MOSCHOVIÆ, cum fratribus DE-
METRIO & IOANNE exercituum præfecto, ce-
pit, captos in vincula coniecit, vinctos Serenif-
simo Regi SIGISMVND O TERTIO in illo v-
niuerforum ordinū Regni, Senatusq; amplissimi
concilio, gloriosissimè præsentauit. O victori-
am gloriosam, omnium gentium literis atq; lin-
guis prædicandam. O factum egregium, & post
conditam Poloniam adhuc inauditum. Vince-
bāt MAGNE ZOŁKIEWI (te enim iam apello
& alloquor vbi vbi es:) vincebant inquā tui an-
tecessores gentes immanitate barbaras, locis
infinitas, variarum copiarum genere abundan-
tes: fregerunt, prostrauerunt, ac longo captiuo-
rum ordine spectabiles, prædâ hostili onusti tri-

umpharunt : at imperijs frenos iniicere, toto
orbe celeberrimos imperatores ferro & carce-
ribus coërcere, contumacissimæ genti leges
præscribere, tibi tanquam proprium relique-
runt : totum hoc, quantumcunq; est, quod
certè est maximum, totum inquam, tuæ claris-
simæ virtuti reseruârunt. Quòd si inuidia pro
suo more huic gloriæ splendori nubem obdu-
cere, & hæc immortalia facinora extenuare sa-
tagat : vos vos iam ego MOSCHORVM agri
vosq; hostiles manus appello, quæ admirandam
eo bello nostri DV CIS vidistis fortitudinem ;
vos fortissimi Tribuni, centuriones, atq; mili-
tes testor : an non summam rei militaris scienti-
am, magnum ac promptum ex re consilium, in
illo difficillimo conflictu experti estis ; cum ho-
stium multitudo cataphracta vestrà paucitate
conspectâ, quasi certâ victoriâ triumphans, ac
prædam manibus opimam tenens ; alia deleta,
alia herbã porrigens, supplex vitam ægrè impe-
trauit ? Vos ultimæ MOSCHORVM oræ im-
ploro, quæ sæpè audito tanti DV CIS nomine,
subitâ

subitâ formidine trepidastis, illudq; assiduò de-
precatae estis, ne potentissimus IMPERATOR
cuius maximè arma perhorrescebatis, in vestra
mænia ac tecta irrueret: ne rebus vestris pestem,
vitæ ac saluti exitium, afflictissimo imperio rui-
nam, atq; labem inferret perpetuam. Non pri-
us tamen votorum compotes factæ fuistis, do-
nec vi & fortunâ IMPERATORIS compulsæ,
de suscipiêdo principe WLADISLAO IN MA-
GNVM DVCEM MOSCHOVIÆ, fidem iura-
mento firmatam præstâtetis. Hunc tantum im-
periorum domitorem, tantum tamq; felicem
summi belli moderatorem, sapientissimus REX
SIGISMVNDVS TERTIVS, pro eo quo in
cognoscendis hominum naturis pollet iudicio,
& in remunerâdis benè meritis civibus æquita-
te; & CANCELLARIATV Regni, & belli ubiuis
gerendi, SVPREMA AVTHORITATE illâq; perpe-
tuâ exornandū censuit. In adeò altâ saluti com-
muni prospiciendæ speculâ constitutus, tãtamq;
defendendæ patriæ facultatem nactus, præci-
puè ad Turcici belli procellam, à quâ maximum

periculum timebatur auertendam, omni curâ
atq; solitudine conuersus, perfidos hostes om-
ni copiarum genere numerosiores, ad honestis-
simas pacis conditiones, semel atq; iterum ade-
git : ac tandem maturè ingruentem vim ho-
stium, sacramenti fæderum oblitam, præfidijs
quæ interim habere potuit, magno animo dum
repellere contendit: multis fugatis, plurimis cę-
sis, tandem par Epaminondæ, non armis hostili-
bus sed suorum dissensionibus superatus; pro
patriâ & vniuersorum ciuium salute, victor glo-
riosissimus mortem oppetijt. Adeò fortissimi
Parentis tu filius, tanti in patriam animi, non
spectator modò, sed etiam æmulus, periculi
quoq; fidus comes fuisti : parentis inquam in
medios hostes ruentis animosè vestigia pressisti.
Ille quidem vitæ occidenti pro immortali ac
florentissimâ gloriâ commutandæ optionē ac-
cepit : tu verò ad paterna cogitata in bonum
patriæ aliquando prosequenda atq; consum-
manda ab illâ dimicationis nece reseruatus in
manus hostiles venisti. Quantum hîc & paren-
tis qui-

tis quidem morte, sed maximè patriæ orbitate
indolueris; ceu quidam pictor, parentis filiorū
necem intuentis, dolorem non valens effingere,
velamine faciei imposito contexit: ita mihi tua
illa mæroris magnitudo, silētio inuoluta; animis
cogitanda melius, quam à me possit exprimi est
relinquenda. Verūm vbi accepisti, à Turcā post
illam magnam expeditionem, pro quā P O L O
NIAM in lucrum sibi pollicebatur, pacis conditi-
ones oblatas: spe meliori de patriā conceptā,
cæteros conciues fortunæ eiusdem tibi socios
bono animo esse iussisti; & ad grauioris seruitu-
tis genus, pro patriæ salute ferendum, paratum
te esse palam dictitasti. O verè inuiētum in re-
bus aduersis tolerandis animum. O factum
præclarum, inusitatum, & ad imitandum ardu-
um, eā potissimum ætate, quæ otio & desidiā à
virtute auocatur, impuris flagitijs contamina-
tur, blanditijs & voluptatibus à perferendis vitę
laboribus retardatur. Magnum profectò gra-
dum Generose Z O Ł K I E V I ad immortalitatē
tam præclaris ausis fecisti, nec veterum tantum

æmula-

æmulatus es pietatem : verùm etiam iuuentuti
Polonę , atq; adeò vniuersis ciuibus , signum
quoddam celeste , & valde Reipublicę salutare ,
ad amandam & defendendam patriam reliqui-
sti. Quare si vel hac vnicâ virtute viuunt illi vi-
uentq; semper Mutij, quorum fama atq; immor-
talis gloria per vniuersas mundi partes celebra-
tur : si florent Decij, qui suis vulneribus & extre-
mo spiritu hostię pro Republicâ facti, desperatâ
incolumitatem eidem restituerunt : si celebrâ-
tur Codri Athenienses, Trasibuli, & innumera-
biles cæteri ; qui ne communis ciuium salus de-
trimentum pateretur, victores gloriosam mor-
tem oppetiēre : vigebit quoq; hoc tuum adeò
plenum conseruandæ patriæ studium ; ac illud
posteritas alet , ipsa æternitas omni æuo tuebi-
tur , omnis ordo atq; omnis natio decantabit.
Et cūm te fortunatum alij dicant, quòd omni
genere laudis excellentes tuos maiores habue-
ris, quòd adeò illustri Parente natus fueris : iam
ego te vel eo nomine felicissimum appellabo ;
quòd non modò à præstanti parente non dege-
neraueris ;

neraueris : sed etiam tantâ animi generositate
adhuc adolescens non modò imitari, sed adæ-
quare omni studio contendas. Quibus quidem
de causis quantam afflictissima patria, quantâ
omnes ciues de te spem cōcipiant, vel hinc per-
spicere poteris; quòd qui ante pro tuâ salute vo-
ta fundebant, de tuâ salute multùm solliciti fu-
erant : ij consternatis atq; fractis animis ad læti-
tiam erectis, te cum gaudio excipiunt, in cælum
laudibus extollunt, complectuntur, admiran-
tur, fausta atq; felicia omina comprecantur;
atq; tui videndi studio incredibili accensi à lon-
ginquò etiam accurrunt. Sed cùm his omni-
bus gratissimus aduenias, tùm nobis præcipuè,
quibus nè vita quidem iucunda te extincto esse
potuit. Nam vbi parentem nostrum suauissi-
mum, pro more antiquo, ad Cetforam strenui
militis & ducis obeuntem officium, in acie le-
thaliter saucium, & præsidij curationis orbem,
in seruitutē Scythicâ iam de vitâ periclitari fa-
ma percrebuisse, à tanto solatio iam quasi de-
stituti, atq; pupilli; te Magnifice Capitaneæ &

D

Mæccenas

Mæcenâs noster Inclyte, quem adhuc penè di-
uino beneficio superstitem sensimus, in tantis
ærumnis tanquam asylum cogitabamus : te in
tantis tempestatibus Castorem & Pollucem ex-
pectabamus : tuum quamdiu à nobis abesses,
vel leuissimum casum grauissimè pertimesceba-
mus. Certum enim atq; indubitatum habe-
mus, quòd cum ex singulari quadam naturæ
bonitate, non modò publicis, sed etiam priua-
torum vtilitatibus studere soleas; res etiam no-
stras tibi perinde curæ esse, atq; tuo parenti pru-
dentissimo Regni Cancellario, & imperatori
longè prestantissimo semper fuere. Quare gau-
de tuo tam excellenti bono, & fruire fortunæ
tantoperè tibi fauentis prosperitate : quòd ex
grauissimis periculis, & extremis discriminibus,
in portum patriæ securissimum, ex molestissi-
mâ seruitute, in iucundissimam libertatem, à
præmaturâ quasi morte, in optissimam lucem
redieris. Gaude quòd in fælicissimo tuo in pa-
triam reditu omnium ætatum concursus fau-
stis acclamationibus personent : quòd redun-
dantem

532
dantem & foras erumpere gessientem lætitiā
etiam indicijs exterioribus, & Magnificis appa-
ratibus testentur: quòd tandem sepultā inuidiā
te Magni illius imperatoris filium, tanquam pa-
rentem ob æterna illius in Rempublicam meri-
ta, in filio honoraturi, omnes ciues suspiciunt:
te vnum tanquam firmissimum & solidissimum
afflicti imperij propugnaculum intueantur:
quòd propter te saluum & sospitem reductum,
piè ac reuerenter celesti numini gratias persol-
uant. Atq; illa ex vulnere accepto doloris aspe-
ritas, tanta laborum, & angustiarum moles pro
patriā superata, iucundam animo tuo reducat
cum voluptate memoriam: quoties autem in
publicū processeris, cum Sertorio gaude, quòd
cum cæteri triumphatores, sua spolia bellica
domi relinquant: tu ad omnem congressum,
ad quemlibet virorum fortissimorum conuen-
tum, omni loco & tempore tecum tua paratissi-
ma habeas. Multa iam fateor præter ætatem
pro publicâ salute egisti, anxias sollicitudines &
grauissimas ærumnas tolerasti: tamē quocunq;

adhuc oculorum aciem intenderis, quidquid
ad agendum proposueris, amplissimum tuarum
actionum campum reperies. Nouis enim quo-
tidie malis in patriâ pullulantibus, noua quoq;
sunt subministranda præsidia. Quæ cum à te
more clarissimi parentis, qui ne vitam quidem
pro vitâ ciuium impigrè effudit, præstita fuerint:
eadem gloria quæ ob tuorum meritorum spe-
ctatissima monimēta iam vbiq; floret, in perfe-
ctissimam maturitatem adolescet; teq; pro
tuis in Rēpublicam meritis vniuersa po-
steritas imitandum suscipiet.



d
n
o-
/s
e
n
:
-
-

